

明

史

明史卷三百三十七

列傳一百八十八

姜應麟

羅大紘黃正賓李獻可

針弘緒陳尚象

孟養浩丁懋遜吳之佳葉初春楊其休董嗣成賈名儒

張棟弟文柱錢一本

朱維京

王如堅

王學曾

余

杰

張貞觀

戴士衡

樊玉衡子維城

王德完

楊天民

姜應麟字泰符慈谿人父國華嘉靖中進士歷陝西

參議有廉名應麟舉萬曆十一年進士改庶吉士授

戶科給事中性剛直敢言貴妃鄭氏有殊寵生子常

洵詔進封為皇貴妃而王恭妃育皇長子己五歲竟

無所益封於是中外籍籍咸疑有立愛謀應麟首抗  
疏言禮貴別嫌事當慎始貴妃所生固陛下第三子  
猶亞位中宮恭妃誕育元嗣翻令居下揆之倫理則  
不順質之人心則不安傳之天下萬世則不正非所  
以重儲貳定衆志也伏請俯察輿情收還成命其或  
情不容已請先封恭妃為皇貴妃而後及於鄭妃則  
禮既不違情亦不廢然臣所議者末也未及其本也  
陛下誠欲正名定分別嫌明微莫若俯從閣臣之請  
冊立元嗣為東宮以定天下之本則臣民之望慰宗  
社之慶長矣疏入帝震怒抵之地徧宣大璫諭曰冊

封貴妃初非為東宮起見科臣奈何訕朕以手擎案  
者再諸璫環跪叩首懇稍解隨旨貴妃敬奉勤勞  
特加殊封立儲自有長幼姜應麟疑君貴直可降極  
邊雜職於是得大同廣昌典史吏部員外郎沈璟刑  
部主事孫如法繼言之并得罪兩京諸臣申救者疏  
十數上皆不省自後言者蠶起咸執立儲自有長幼  
之旨以責信於帝帝雖厭苦之終不能奪也應麟居  
廣昌四年量移餘干知縣以父憂歸服闋至京會吏  
部數以推舉建言諸臣得重譴應麟遂不獲補候闕  
下七年儲位猶未定乃復上疏言臣既以身許國陞

下優以信許臣臣之初心未竟陛下之大信未踐者  
已十有六年故臣欲以此日責大信於陛下以畢臣  
初心臣前為諫官因冊封皇貴妃有慎封典重儲貳  
之請陛下降旨立儲自有長幼責臣疑君責直而斥  
是臣之罪在不能仰體聖心謫有餘辜也繼而禮官  
沈鯉論救陛下又降旨因其寔朕有過之地故薄斥  
示懲是臣之罪在不能仰成聖德謫有餘辜也信斯  
言也陛下惟恐見疑於群臣以得罪於天下後世將  
朝更夕改之不服不意陛下之過舉猶故中外之人  
心轉疑初謂二三年舉行今且五年矣初謂虛質清

弱今則強壯矣初謂先冊立後冠婚今則幾欲倒行  
矣夫冠婚可議曰清弱冊立何嫌於強壯愆期不舉  
人將有以窺陛下之微矣彼偃仰風議之人方且休  
威撻鼠甘心煬竈坐視陛下孤立於上以徐俟陰陽  
之定而收其利卽有曲意調劑者亦不過就中轉移  
殊未聞有招之不來麾之不去如古大臣之風者且  
此非特不忠於陛下而已究豈工于為宮掖而善成  
陛下之愛者哉夫有却坐之諍始免永巷之謫陛下  
奈何溺祗席嗜美疾甘為子孫賈無涯之禍而不顧  
耶夫人主托身不可不慎托身於賢士大夫不引而

致之明盛不止托身於宦官宮妾不引而致之亂亡  
不止今道路之言謂冊立不決由皇貴妃牽制始然  
甚者以為窺伺璫宮懷逝徂之非望又甚者以為綺  
龍震器傲壓組之適然揆之理勢或非事實跡其隱  
微夫豈無因萬一外戚中涓有以邪謀綴貴妃者恐  
貴妃亦不能自止也萬一諧臣媚子有以家事誤陛  
下者恐陛下亦不能自察也臣又思之陛下動以祖  
宗為法而尤憲章世廟為兢兢竊謂世廟雖不建儲  
猶令景王之國以杜親覲此獨不可法歟臣前為言  
官而言以職諫也今不為言官不當言矣然臣之官

可奪而臣之志不可奪陛下倘感臣言即發德音冊  
立冠婚一時並舉臣雖死猶榮若罪臣出位責臣沽  
名則臣已席藁括髮待矣斷不願與中立觀望全軀  
保妻子之臣同視息於天壤也疏上留中會是年冬  
冊立皇太子應麟遂歸家居二十年光宗立起太僕  
少卿時魏忠賢已濬用事御史潘汝禎者與給事中  
薛鳳翔皆黨附忠賢相善也汝禎舊為慈谿知縣與  
應麟有隙屬鳳翔劾其老病失儀應麟遂引疾去崇  
禎三年卒贈太常卿

羅大紘字公廓吉水人早以學行知名舉萬曆十四



年進士授行人十九年八月遷禮科給事中甫拜命  
即上定志書數千言已復言視朝宜勤語皆切直先  
是有詔以二十年春冊立東宮至是工部主事張有  
德以預辦儀物請帝怒命奪俸三月更遷立一年尚  
書曾同亨請如前詔忤旨切讓大絃復以為言詔奪  
俸如有德於是大學士許國王家屏乞收新命納諸  
臣請帝益怒而是時首輔申時行方在告聞帝怒乃  
密揭言臣雖列名公疏實不與知卿者諸司有言臣  
輒諭止之惟社稷大計斷自宸衷帝喜手詔展答而  
揭與詔俱發禮科故事聞臣密揭無發科者時行聞

而慙懼亟謀之禮科都給事中胡汝寧遣使取揭時  
獨大絃守科欲勿與使者紹而取之及往索時行留  
不發大絃乃抗疏曰臣奉職無狀謹席藁以待獨念  
時行受國厚恩乃內懷二心藏奸蓄禍誤國賣友罪  
何可勝言夫時行身雖在告凡翰林遷改之奏皆儼  
然首列其名何獨于建儲一事深避如此縱陛下赫  
然震怒加國等以不測之威時行亦當與之分過况  
陛下未嘗怒而乃阻塞睿聰動搖國本苟自獻其乞  
憐之術而遏主上悔悟之萌此臣之所大恨也假令  
國等得請將行慶典而恩澤加焉時行亦辭之乎盖

其私心妄意陛下有所牽繫故陽附廷臣請立之議而陰緩其事以為內交宮掖之謀使請之而得則明后羽翼之功不得則別為集苑之計其操此術以愚一世久矣不圖今日乃發露之也傳曰見無禮于其君者誅之如鷹鵠之逐鳥雀也時行之無禮甚矣臣願與之並斥疏入帝震怒命貶邊方雜職俄以六科鍾羽正等諭赦斥為民羽正等奪俸然大絃雖斥時行亦不自安無何竟引去大絃初受學於徐用檢既歸與鄒元標過從講學志行高卓鄉人以配先達羅倫羅洪先號為三羅天啓中贈光祿少卿有黃正賓

者歛人以貨為中書舍人直武英殿大絃既以劾時  
行獲罪正賓亦抗疏極詆帝怒下詔獄考訊斥為民  
正賓雅負意氣恥由貨入官思樹奇節至是遂見推  
清議後李三才顧憲成咸與之游蓋有聲士大夫間  
熹宗立起故官再遷尚寶少卿引疾歸魏忠賢既下  
汪文言獄詞連正賓坐贓千金逮戍大同莊烈帝嗣  
位復官致仕崇禎元年六月逆黨徐大化楊維垣已  
罷官猶潛居輦下交通奄寺為謀叵測正賓時在都  
抗疏發其奸兩人遂勒歸田里都人快之而疏有潛  
通官侍語帝令指名正賓以趙倫于化龍對時實此

二人帝以其妄言亦斥回籍

李獻可字允俞同安人萬曆十一年進士除武昌推官課最徵授戶科給事中累遷禮科都給事中二十年正月偕六科諸臣疏諸預教言元子祿齡已十有一矣預教之典當及首春舉行倘謂內廷足可誦讀近侍亦堪輔導則禁闥幽閒宜若外朝之清廟內臣忠敬何如師保之尊嚴疏入帝大怒而疏中誤書弘治年號遂責以違旨侮君貶獻可一秩調外餘奪俸半歲大學士王家屏封還御批帝益不悅吏科都給事中鍾朋正言獻可之疏臣實贊成之請與全謫吏

科給事中通山舒弘緒亦言言官可罪預教必不可  
不行帝益怒出弘緒南京而羽正及猷可並以祿職  
徙邊方大學士趙志舉論救被旨譴讓吏科右給事  
中都司陳尚象復爭之坐斥為民戶科左給事中湖  
廣咸寧孟養浩諫曰人臣即至狂悖未有敢于侮君  
者陛下豈真以其侮而罪之耶猷可甫躋禮垣驟議  
鉅典一字之悞本屬無心乃遽蒙嚴譴臣愚以為有  
五不可元子天下本預教之請實為宗社計陛下不  
惟不聽且從而罰之是坐忍元子失學而猷帶宗社  
也不可者一長幼定序明旨昭然天下臣民既曉然

諒陛下之無他矣然預教冊立本非兩事今日既逢  
回于出閤安知來歲不將移于建儲是重起天下之  
疑不可者二父子之恩根于天性預教之請有益元  
子明甚而陛下罪之非所以示慈愛不可者三古者  
引裾折檻之事中主能容之陛下量侔天地奈何言  
及宗社大計反震怒而摧折之天下萬世謂陛下何  
如主不可者四猷可等所論非二三言官之私言竇  
天下臣民之公言也今加罪猷可是所罪者一人而  
竇失天下人之心不可者五祈陛下收還成命亟行  
預教臣不勝至願御史鄒德泳及戶兵刑工四科都

給事中雷化丁懋遷崑山張棟長州吳之佳青城楊  
其休禮科左給事中吳縣葉初春各率其僚抗救略  
如養浩言帝並怒廷杖養浩百餘除其名德泳懋遷  
等六人並貶一秩出之外猷可羽正弘緒亦除名矣  
當是時帝一怒而斥諫官十一人朝士莫不駭嘆然  
諫者卒未已禮部員外郎烏程董嗣成御史真定賈  
名儒特疏爭之而御史陳禹謨吏科左給事中李周  
策亦偕其僚論諫帝怒加甚奪嗣成職名儒謫遷方  
德泳懋遷等咸削籍而禹謨等停俸有差禮部尚書  
李長春等亦疏諫帝復詰讓猷可等遂廢于家久之



吏部尚書蔡國珍侍郎楊時喬先後請收叙成報寢  
天啓初錄先朝言事諸臣而獻可已前卒詔贈光祿  
卿弘緒養浩名儒皆獻可同年進士尚象憇遜之佳  
初春其休嗣成皆萬曆八年進士弘緒由庶吉士改  
給事中天啓中贈光祿少卿尚象以中書舍人為給  
事中嘗劾罷尚書沈鯉為士論所非後疏薦鄧以讚  
朱鴻謨楊時喬丁賓顏素蔡悉許乎遠王紹先衛承  
芳等十二人咸一時人望至是復以直言去國人始  
更稱焉天啓中贈官如弘緒養浩由行人擢給事中  
嘗劾禮部侍郎韓世能左副都御史傅孟春不職既

放歸中外交薦悉報罷光宗立起太常少卿半歲中  
再遷南京刑部右侍郎未之官卒懋遜為餘姚知縣  
有治績入為吏科給事中既削籍里居三十年光宗  
立起太僕少卿累遷工部左侍郎卒贈尚書之位初  
為襄陽知縣初春順德知縣並以治行為給事中至  
是與張棟並斥時稱吳中三棟天啓初贈之位太僕  
少卿初春光祿少卿之位孫适亦舉進士為兵科給  
事中其休由蘇州推官擢吏科給事中內官張德殿  
殺人帝令司禮按問蔽罪其下而止其休乞養付德  
法司竟報許帝數不視朝十七年正月其休以萬邦

入覲請臨御以風勵諸臣報聞他論奏甚衆既罷歸  
未及召而卒贈太常少卿嗣成祖份禮部尚書父道  
醇南京給事中董氏仍世貴顯豪富冠東南嗣成乃  
以氣節著士論多之名儒贈官如初春德詠祭酒等  
並孫羽正棟自有傳

張棟字伯任崑山人早孤家貧與弟文柱勤苦自奮  
事母皆以孝聞棟妻歸有光女也躬織紵養姑棟舉  
萬曆五年進士除新建知縣為政嚴明豪強脅息即  
大吏亦心憚之時有度田之令而賦額紛錯棟躬歷  
田間定以三等遂為永制十一年徵授工科給事中

初張居正為政操切長吏度田者不敢奏蠲虛賦至  
是棟以為言並獲除免又請盡蠲天下逋租格不行  
時災傷蠲租相沿但蠲存留不及起運棟言郡邑存  
留無幾且胥宗祿官俸胥徒工食師儒廩餼孤寡口  
糧非可得蠲者有蠲之名無蠲之實請自今毋拘故  
事從之再遷刑科左給事中奏行覈荒田寬改折審  
保役三事吳中白糧為累民承役輒破家棟請令出  
資助漕舟附載民既免害軍亦獲利而中時行王錫  
爵居政府皆吳人絀其議不用棟遂移疾歸居三年  
起兵科都給事中劾南京戶部尚書張雨銘庸邁刑

部侍郎詹仰庇傾邪二人卒引去先是軍政拾遺率  
受意政府棟獨不往謁所劾恭順侯吳繼爵宣城伯  
衛國本忻城伯趙泰修宣府總兵官李迎恩多執政  
私人疏上獨繼爵德留餘並罷職又因甘肅奏捷言  
邊臣叙功率及內閣暨兵部兵科非祖宗制宜禁帝  
亦從焉十九年遣視固原邊併他使者行邊有司多  
載旌幟供張棟悉屏去單騎歷諸隘險過馬不可  
馳則徒行而前或竟日不食悅宿民舍因盡得邊事  
虛實多所論建時經畧鄭洛興西部諸酋議和棟以  
爲失策且言今操力克負固不歸下失老桀難如故

大落赤與相三首雄據海上不可使洛委責以去國  
論及與鄧尚書表一鴉會一鴉已卒洛亦報稱力克  
來歸遂寢其奏棟又言沅河失事陛下赫然震怒命  
洛視師豈止欲其虛詞竭敵情一順義來歸畢事耶  
今大真依海為窟出沒自如不宜倖然叙列將吏功  
報聞明年還朝坐轅車獻可斥為民角中草屨步出  
都門既歸杜跡息交風節孤峻有司未嘗識其面鄉  
人欲為不義多憚棟而止及母卒棟年已六十毀瘠  
骨立既葬廬墓已而疾作醫者勸進酒食暫歸居室  
棟不可竟卒於墓次鄉人立忠孝祠祀之天啓中贈

太常少卿文程舉人母性嚴稍拂意輒面壁竟日文  
程侍立不去色解乃已後為臨清知州卒官

錢一本字國瑞武進人萬曆十一年進士除廬陵知  
縣有異政徵授御史李材有軍功被誣論死一本抗  
疏救之已論兵部侍郎許守謙貪污為政府所庇疏  
不行長蘆大賈行鹽州縣率計口勒重直其難必炒  
出一歲數至此戶怨咨一本奏禁之俄請從祀曹端  
陳真晟羅倫羅洪先於文廟十九年出按廣西屬吏  
爭自歛戰時中時行柄國久一本陳論相十事疏幾  
萬言裁切時行甚至末言孔子論九經先之以修齊

尊賢益鏡。夫女謂貨利。非有惑溺。則心志失其清明。  
身體不能強固。矧以褒姒之艷麗。兼驍姬之善譖。孤  
嫺既盡其心。虎臺復移其志。陛下之方寸。臣知其不  
能自持者多矣。抑何以責德尊士。而修身取人哉。疏  
至會時。行將謝政。遂留中。是時帝以張有德進諫。復  
更冊立期。一本亟馳疏言。自古人君未有以天下戲  
如今日者。夫匹夫無信。不能自立。況于萬乘之主哉。  
臣測陛下之意。所以遲遲建儲者。欲效皇祖世宗之  
為耳。然皇祖中年嘗立莊敬為太子。封皇考為恭王。  
非終不立太子也。矧今日事體又萬萬不同者。責妃



寵踰皇后其類心積慮無日不思奪長此世皇時所  
無也凡子必依于母元子之母壓于貴妃之下陛下  
曰長幼有序貴妃則曰貴職有等倘一日遂其奪長  
之心不審陛下何以處此此世皇時所無也景王統  
封止皇考一人在京雖不冊立儲位已定今則章服  
不別名分不正弟既憑母之寵母又觀子之位此世  
皇時所無也傳聞陛下先嘗失言於貴妃故貴妃執  
此為信以要陛下使此言而信也及今不自剝削將  
來盛感日深更有難言者矣前者有旨諸司不許激  
擾愈致稽延由今觀之非陛下豫設機穽以禦天下

言者乎使爲期無言者陛下則佯爲不省有言者則  
曰此激擾我也更遲一年明年復有言者則又曰此  
激擾我也更遲二三年陛下得委蛇遷就以全衽席  
晚愛之私而曾不顧國本從此動搖天下從此危亂  
臣以為陛下之樂人誠巧而爲謀則甚拙也以此機  
智不可以周匹夫匹婦顧欲以欺天下萬世哉請遵  
前旨仍以明春舉行則天下曉然知聖心無他而紛  
紛之議自息疏入帝震怒終憚其詞直留中明年孟  
春始以請預教被杖中旨并斥一本爲民一本初官  
江西嘗從王時槐游至是罷歸杜門研究經術於易

學允深後與顧憲成輩分主東林誅席憲成好譏評  
時政數為小人所攻而一本堂議獨不及里居二十  
五年而終天啓時贈太僕少卿子春

朱維京字大可工部尚書衡子也生而穎異舉萬曆  
五年進士授大理評事進右寺副九年京察銷汝州  
同知魯山寶豐二縣故有伊府屯田王典橫橫暴多  
奪民產及府廢民欲復之相關久不解維京奉檄按  
之曲為裁劑軍民悉輸服改知崇德前會有死子者  
者時出為案維京至則屏跡及去後出久怪之案覓  
案曰朱君不取民一文何可犯也入為屯田王事再

遷光祿丞次落亦敗盟經略鄭洛主和齊撫魏學魯  
葉夢熊主戰維京恐故特備事乞召洛還專委學魯  
等經理西川獲軍巡按御史以失奏報被誦議不及  
巡撫李廷儀縱寇入關僅調南京維京並言其未當  
時不能用學魯以寧憂事被逮抗疏救之三王並封  
詔下維京首上疏曰杜奉聖諭許二十一年冊立廷  
臣莫不延頸企踵今忽改而為分封是卿者大統之  
頒徒戲言也何以示天下聖諭謂立嗣以嫡是已但  
元子既長欲少遲冊立以待中宮正嫡之生則祖宗  
以來實無此制考英宗之立以宣德三年憲宗之立

以正統十四年孝宗之立以成化十一年少者止六  
二齡多亦不過五六齡耳雖時中宮正位嫡嗣皆虛  
而祖宗曾不少待即陛下冊立亦在先帝二年之春  
近事不遠何不取而證之耶且聖人為政必先正名  
今分封之典三王並舉冠服宮室混而無別車馬儀  
仗雜而無章府寮庶衆淆而無辨名既不正獎實益  
多天下可憂可慮之事必自此起陛下奈何忽緩視  
之聖諭念及中宮甚盛心也但中宮苟耀前星則元  
子遠就藩服嫡庶分定何嫌何疑今預計將來坐椿  
歲命是欲愚天下而實以天下為戲也夫大臣以道

事君不可則止陛下雖有與封之意猶不遽行必俟  
手詔咨大學士錫爵錫爵縱不能如李沆引燭之然  
亦當為李泌造鄰披陳轉移聖心而後已如其不然  
王家屏之高蹤自在陛下優禮輔臣必無韓瑗來濟  
之辱也奈何喋無一語若齊史之承行惟恐或後夫  
錫爵風駕還闕羣臣咸望其收巷過之功而所為若  
此難以厭中外之人心矣後楊素李勣千古罪人其  
初心豈不知有公議惟是患未之心勝遂至不能自  
持錫爵雅以忠義自許臣方以古大臣望之豈忍此  
儼及此正顧其深鑒而力反之耳疏入帝震怒命誦

成極邊錫爵力救得為民家居甫二年卒熹宗時贈太常少卿

王如堅字介石安福人萬曆十四年進士授懷慶推官入為刑科給事中三王並封議起如堅疏爭之其畧曰謹按十四年正月聖諭元子幼小冊立事俟二三年舉行是明言長子之為元子也又十八年正月詔旨朕無嫡子長幼自有定序是明示倫次之不可易也己而十九年八月奉旨冊立之事改于二十一年舉行此則陛下難恕群臣激聒輒更定期未嘗遽寢冊立之事也乃今已屆期忽傳並封為主以待嫡

嗣臣始而疑既而駭陸爾言猶在耳豈忘之耶曩者  
謂二三年舉行已逾之二十年矣二十年舉行又改  
之二十一年矣今三十二年倏改為並封是陛下前  
此灼然之命尚不自堅今日群臣將何所取信耶立  
嫡之條祖訓為廢嫡者戒也今日有嫡可廢乎且陛  
下欲待正嫡意非真待也古之王者後宮無偏愛故  
適后多清嗣使世愛有所專則天地之交不常泰欲  
清嗣之繁難矣我祖宗以來中宮誕生者有幾國本  
早定惟元子是屬或二三齡而立或五六齡而立未  
寄違回于歲月也即如陛下春宮受冊時正六齡當



時寧有待嫡之議與潞王並封之詔哉今皇長子且  
十二齡矣聞皇后撫育無間已出元子早定一日即  
早慰中宮一日之心后素賢明何有舍當前之冢嗣  
而覲幸不可知之數耶在陛下廢謀英斷臣周知無  
他心但宮闈之內祗席之間左右近習之輩見形生  
疑未必不以他意窺陛下即如昨歲冊立之言方待  
舉行而宗室中已有並封之疏安知非機事外洩披  
得量朝廷之淺深耶夫別名號辨嫌疑禮之善經也  
元子與衆子其間冠服之制南薄之節恩寵之數按  
禮之儀迥然其不齊矣藉一旦並封而同號則有並

見之嫌通長之患執狐疑而來讒賊幾微之際不可  
不慎苟謂渙命新頒難于遽改則數年已定之明旨  
尚可移易今綸言初發何不可中止也疏入帝怒甚  
命與朱維京皆戍極邊間臣王錫爵疏救得免戍為  
民尋卒天啟中贈光祿少卿

王學曾字唯吾南海人萬曆五年進士授醴陵知縣  
調崇陽擢南京御史時吏民有罪輒遣官校逮捕學  
曾謂非國體疏請止之不納十三年慈寧宮成諸督  
工內侍俱縉錦衣學曾論其太濫且言工部尚書楊  
兆題叙中官但當列名今累牘展詞跡涉諂諛兆惶

恐引罪詔不問已言龍江閩密邇蕪湖蕪湖已征稅  
龍江不宜復征格不行光山縣牛產一犢若麟有司  
欲以聞巡撫臧惟一不可帝聞命禮部徵之尚書沈  
鯉諫惟一亦疏論不聽學曾抗言麟托生牛腹次日  
即斃則祥者已不祥矣不祥之物所司未嘗上聞陛  
下何自聞之母亦左右小人以奇怪惑聖心也今四  
方災旱老稚流離啼餓號寒之聲陛下聞之乎北敵  
梟張士卒困苦呻吟嗟怨之狀陛下聞之乎宗室貧  
窮饔飧弗給愁困淒涼之態陛下聞之乎如此比者  
左右聚不以聞而獨以已斃之麟聞誠非忠于陛下

者也願赦還成命內臣語涉邪妄者即嚴斥之凡詔  
旨之頒信如謹凜臣不勝至願帝責其要名沽直降  
興國判官時御史蔡時鼎亦以言獲罪南京御史王  
藩臣給事中王嗣美等文章共救之帝怒奪俸一級  
學曾累遷南京刑部主事召為光祿丞三王並封議  
起舉朝諱甚學曾與少卿新建徐杰合疏爭之忤旨  
皆削籍後數年吏部尚書蔡國珍疏請起用竟不納  
卒于家杰隆慶五年進士由龍游知縣入為御史擢  
官光祿素宗時贈學曾光祿少卿杰太常少卿  
張貞觀字惟誠沛人萬曆十一年進士除蓋都知縣

公廉愛民吏事精敏入為兵科給事中時洮河失事  
廷議戰守紛然貞觀言諸邊市費歲且百萬坐耗中  
國宜急罷勿市籌戰守賊畏威貪利必叩關請罪我  
因與之更始庶款事可久報聞十九年春出閔山西  
邊務五臺奸人張守清招納亡命三千餘人擅開銀  
礦又締姻代府潞城新寧二王勢張甚帝納巡按御  
史言勅守清解散徒黨諭二王絕婚守清乞輸課于  
官開礦如故貞觀力言不可乃已前巡撫沈子木李  
朱菲皆貪而守木貪緣為兵部侍郎貞觀並追劾之  
子木坐貶朱菲奪職又劾罷監司武將數人遠近憚

其風采周行閭閻塞累陳便宜鑒諸宿弊還進工科右  
給事中泗州淮水大溢幾罄祖陵詔貞觀往視遂定  
分黃巢淮之策再遷禮科都給事中二十一年三王  
並封制下貞觀率同列力爭潘王瑄光由郡王進封  
其諸弟止應為將軍瑄克為經營並得郡王貞觀及  
禮部尚書羅萬化等故事極諫不納時郊廟祭享率  
遣官代行貞觀力請帝親祀俄秋享優將遣官貞觀  
再諫曰祖宗之祭自宮室廟為地幾何真獻裸將為  
時幾何於聖躬未覺勞也如以為有病不知陛下又  
處深宮果日近藥餌耶抑不免耽麪藥也果日事保

攝耶抑不免溺佳治也果興居有度耶抑不免俾盡  
作夜也聖心當自知之可信于陛下之心方可信于  
祖考之心不然鼓鐘于宮聲聞于外已不可欺而况  
于祖考乎不報明年正月有詔皇長子出閣講讀而  
兵部請護衛工部奏儀仗禮部進儀注皆留中又止  
余預告奉先殿朝謁兩宮而他禮皆廢于是貞觀等  
上言禮官所議鄉門受賀皇長子見羣臣之禮載在  
舊儀即請王加冠亦以成禮而賀賀畢獨見而无子  
初出乃不當諸王之一冠乎且獨謝止兩宮而缺然  
于陛下及中宮母妃之前非所以敬孝賀新于二皇

予而漠然于兄弟長幼之間非所以序別疏入忤旨  
奪俸一年工科給事中黎道照上言元子初就外傳  
陛下宜示之身教乃採辦珠玉珍寶費至三十六萬  
有奇又取太僕銀十萬充賞非作法于初之意也且  
貞觀等末禮直諫職也不宜罰治給事中趙完璧等  
亦言之帝怒奪諸臣俸謫貞觀雜職大學士王錫爵  
等切劄乃貶三秩頃之都給事中許弘綱御史陳惟  
芝等連章申論帝竟除貞觀名官亦停俸貞觀雅  
有器局以名節自矜中外交薦卒不起天啓中卒贈

太常少卿



戴士衡字章尹莆田人萬曆十七年進士除新建知縣二十三年擢吏科給事中時方用師朝鮮集水陸兵天津資應援士衡以河間州縣多棄地可濬渠藝禾請人給田五十畝界牛種以耕一年而罷餉三年而田可盡闢從之薊州總兵官王保濫殺南兵士衡極論其罪已請並補言官劾石星誤國大罪五山東稅使陳增請假便宜得舉刺將吏淮揚魯保亦請節制有司士衡言堂堂天朝不宜令刀鋸之餘品題天下豪傑將恐王振劉瑾復見于今仁聖太后梓宮發引帝不親送士衡言母子至情送死大事誠宜哀號攀援

盡萬終之禮奈何于內庭數武地斬一舉足之勞今  
山陵竣事願陛下扶杖出迎神主庶稍慰聖母之靈  
答臣民之望錦衣千戶鄭一麒奏開昌平銀礦士衛  
以地通天壽小抗疏力爭皆不報二十五年正月極  
陳天下大計言方今事勢不可知者三天意也民心  
也氣運也大可慮者五紀綱廢弛也武狄侵陵也根  
本動搖也武備疎略也府藏殫竭也其切要而當亟  
止者一則君心也因言陛下高拱九重殆將十載日  
不睹師保之容耳不聞丞弼之議美麗當前燕嬖自  
佚即欲殫聰明以計安社稷其道無由誠宜時御便

殿召執政大臣講求化理察其庸衰者退之簡忠勤  
有道術者俾左右啓沃則心清欲寡政事自修亦不  
報日本封事敗再劾石星及沈惟敬楊方亨欺罔誤  
國且列上防倭八事多議行俄劾南京工部尚書葉  
夢熊刑部侍郎呂坤薊遼總督孫鑣及通政叅議等  
宜春時鑣已罷宜春自引歸坤亦以直諫去給事中  
劉道亨右坤力誡士衡受指大學士張位士衡亦劾  
道亨與星同鄉力護封事為星報復帝以言官互爭  
皆報寢明年劾罷文選郎中白所知是時帝惡吏部  
諸郎貶黜者二十二人因詰責吏科朋比都給事中

劉為楫左給事中楊廷蘭給事中張正學林應元及  
士衡俱列罪詔取為楫一秩與廷蘭等並調外士衡  
得新州判官無何詔改遠方乃授陝西鹽課副提舉  
未赴會憂危竑議起竟坐遣戍先是士衡再劾坤謂  
潛進閨範圍詭結納宮闈因請舉冊立冠婚諸禮帝  
已不悅至是有跋閨範後者名曰憂危竑議誣坤動  
搖國本與貴妃從父鄭承恩戶部侍郎張養蒙山西  
巡撫魏允貞吏科給事中程紹吏部員外郎鄧光祚  
及道亨所知等同盟結納羽翼貴妃子承恩大懼以  
坤道亨所知故與士衡有隙而全椒知縣樊玉衡方

上疏言國本指斥青妃遂去指士衡竇為之而至衡  
與其謀帝震怒青妃復泣訴不已夜半傳旨逮下詔  
獄考訊此明命永戍士衡廉州王衡雷州御史趙之  
翰復言是書非出一人主謀者張位奉行者士衡同  
謀者右都御史徐作禮邵侍郎劉楚先國子祭酒劉  
應秋故給事中楊廷蘭禮部主事萬建寬也諸臣皆  
位心腹爪牙宜并斥帝入其言下之邵院時位已落  
職閒位署事侍郎裴應章副都御史郭惟賢力為作  
等解帝不許奪楚先作官出應秋於外廷蘭建寬譴  
違亦應章等復論救帝不悅斥位為民士衡等再更

數皆不原四十五年士衡竟卒于戍所天啓中贈太僕少卿

王衡字以彥黃岡人萬曆十一年進士由廣信推官徵授御史臨淮侯李言恭總督京營王衡劾其不職請代以邊將格不行以京察謫無爲判官稍遷金椒知縣二十六年四月王衡以冊立久稽發憤上封事言臣嘗博稽載籍凡廢長立幼未有不致亂亡者今天語丁寧一則曰父子至親一則曰長幼有序然在朝在野莫不皇皇者則以所信者不在空言而在實事也何者往時元子睿齡尚弱聖意有所牽制而藉

曰從容猶之可也今年已十七矣男子生而願為之  
有室父母之心人皆有之陛下獨無是心乎且男女  
之欲雖上智不免而血氣之動在茂齡尤難宮中自  
陛下暨元子非皆婦侍耳萬一情欲之感稍介于儀  
容姜菲之嫌或成於貝錦陛下日月有所不照履有  
有所不周又不知何詞以謝天下對九廟之靈耶語  
曰一虎在野千人逐之積金布市過者弗顧言責早  
定耳今陛下可必其無是心而宦墜宮宴遙迎上下  
都安可必也天祚我明元子可必其無是事而深閨  
曲房媒孽左右者安可必也興言及此足為寒心且

陛下愛貴妃當圖所以善處之今天下無不以冊立  
之稽歸過貴妃者而陛下又欲依違以成其過陛下  
將何以托貴妃于天下哉由元子而觀則不慈由貴  
妃而觀則不智無一可者願早定大計冊定冠婚諸  
典次第舉行使天下以元子之安為貴妃功豈不並  
受其福享令名于無窮哉疏奏帝及貴妃怒甚旨一  
日三四擬禍且不測大學士趙志率等力救且言自  
帝即位未嘗殺諫臣帝乃焚其疏忍而不發再踰月  
憂危竑議事起遂永戍雷州長子鼎遇再伏闕請代  
不許士衡既卒巡按御史田生金援前恩例請開士



衡戊籍釋王衡生還亦不許光宗立起南京刑部主  
事以老辭疏陳親賢遠奸十事優詔答之尋命以太  
常少卿致仕卒于家次子維城萬曆末進士除海鹽  
知縣天啓中入為禮部主事坐累謫上林苑典簿莊  
烈帝既逐魏忠賢其私養甲士萬人猶橫行都下維  
城詣亟戮忠賢散遣其黨恤錄楊連萬燦等召還四  
方被抑諸臣且曰昔逆瑾既誅凡瑾所創新制悉行  
釐革今忠賢潰亂舊章甚于逆瑾當速詔六卿盡行  
改正帝嘉納之累官福寧兵備副使罷歸崇禎末張  
獻忠陷黃州被執不屈死

王德完字子醇廣安人萬曆十四年進士授庶吉士  
改兵科給事中十九年署科事時李成梁久鎮遼東  
其子如松復鎮山西德完以兵權太盛乞稍裁損帝  
不從然如松旋解鎮俄勅總兵官浙江侯繼高福建  
劉大勦不職大勦坐罷先是兩陝失事廷臣爭陳邊  
計德完言諸邊歲糜數百萬而士氣日衰戎備日廢  
者以三蠹未除二策未審也何謂三蠹一曰欺邊吏  
罔上也二曰徇市賞增額也三曰虛邊防鮮實也何  
謂二策有目前之策有經久之策謹守誓盟苟免搏  
噬此計在日前大修戰具令賊不敢窺邊則百年可

保無事此計在經久乃今經略鄭洛主款而巡撫葉  
夢熊又言戰邊臣不協安望成功帝然之勅二臣同  
心匡濟黔國公沐昌祚驕蹇不法德完劾之遂褫其  
冠服石星初為本兵德完上十議杜營求以公違擢  
辨其才以羅蒙傑禁掊剋以飽健兒重事權以任將  
帥嚴禁例以杜媚或寬文法以作敵愾奮精神以起  
晏安修實政以省繁文假便宜以重專閫核功罪以  
嚴誅賞帝納其言又以山西巡撫朱孟震甘肅巡撫  
賈待問宣府巡撫郭四維非邊才請令孟震與湖廣  
李楨待問與陝西葉夢熊易任而調四維他官於是

孟震侍郎四難革賜罷而繼所劾通政使杜其驕保  
定巡撫宋佑山東巡撫宋應昌皆得留大理少卿楊  
四知先為御史甚貪譎德完盡悉其罪并及太僕少  
卿趙卿二人卒引去初廣東瓊州賊李茂陳德已就  
撫遊擊沈茂索珠不獲誣二人反捕殺之其黨二千  
餘人遂叛出海總督劉總文令總兵官李棟往討棟  
至不見賊大殺平民報首功總文遽以瓊崖蕩平奏  
錄叙有差至是德完發其事時棟已罷總文已遷戶  
部侍郎遂並得罪德完署事甫半歲章數十上率關  
軍國大計時論壯之明年陳州衛軍要餉而謀德完

言紀綱不振士卒守法者乏食跋扈者獲金太賄倒  
持何以震肅天下諸臬其渠數十人從之累遷戶科  
都給事中二十二年上籌畫邊餉議言諸邊歲例弘  
治正德間四十三萬而止至嘉靖則二百七十餘萬  
矣在今日則三百八十餘萬矣地不加闢而餉日益  
增何以善其後蓋祖宗朝寓兵于屯且耕且守故餉  
不待給而足自屯田法壞經界湮沒戎馬財賦遂分  
兩途而兵餉日絀矣祖宗朝中鹽于邊納粟于倉有  
飛輓之利無轉輸之勞自納銀之策行金錢輸入于  
庫藏邊塞仰給于京師而軍儲益匱矣今欲復兩者

之舊其勢誠難惟力行節儉足以補救蓋耗盡之弊  
外易剔而內難除一有乾沒動至數十萬願陛下宸  
衷獨斷嚴核內府諸庫存其常用而汰其不急勿額  
外濫征勿無名苛取則一舉手間所省已無算又加  
意屯田鹽法簡擢賢能久任而責其成外開其源而  
內節其流庶幾國用可無乏也時弗能用河南大饑  
礦盜起奏行賑恤平糶二事時再議日本封貢德完  
言倭欲無厭封則必貢貢則必市是沈惟敬誤經略  
經略誤總督總督誤本兵本兵誤朝廷也後果如其  
言德完亦以疾歸二十八年起任工料極陳四川採

木榷稅及播州用兵之患又言三殿未營不宜復興  
玄殿龍舟之役皆不報已劾湖廣稅使陳奉欺君盜  
國虐士殃民四大罪未得命復再疏極論謂奉必激  
變已奉果為楚人所攻僅以身免尋因禱雨言致旱  
有由殄災有術今出虎兕以噬羣黎縱盜賊而吞赤  
子幽憤沉結叩訴無從故兩澤緣天怒而屯蜺蜺用  
人妖而出願盡撤礦稅之使釋逮繫之臣省愆贖過  
用殄災變不報四川奸人韓應龍奏榷成都龍安諸  
府茶鹽採重慶馬湖名木德完抗章力諫尋甸知府  
蔡如川趙州知州甘學書以忤稅使被逮德完稱二

人賢請釋還任山東稅使陳墉擅用河工銀進獻錢  
輔稅使王虎往寶坻魚葦課至四萬金又稅舟船間  
架德完力斥其罪皆不報已極陳國計匱乏言近歲  
寧夏用兵為費百八十餘萬朝鮮之役則七百八十  
餘萬播州之役則二百餘萬今皇長子及諸皇子冊  
封冠婚乃至九百三十四萬而袍服之費復二百七  
十餘萬冗費如此國胡以支臣今請以六事獻一減  
織造二止營建三亟完殿工四停買珠寶五慎重採  
辦六大發內帑語極切至帝亦不省時鄭妃有威寵  
中外競言皇后多疾后崩則妃即正位中宮其子為



太子舉朝憂之其年十月德完抗言天子與后猶天  
之與地陽之與陰天不交地則乾坤毀陽不交陰則  
生物息今道路宣傳咸謂中宮使使僅得數人伊鬱  
致疾陷危弗自保臣不勝驚疑宮禁嚴祕虛實未審  
臣即愚昧決知其不然茅臺諫之官得風聞言事果  
中宮不得于陛下以致疾與則子于父母之怒當號  
泣幾諫果陛下春遇中宮有加無替與則子于父母  
之謗當昭雪辨明衡是兩端皆難緘默敢效漢臣袁  
盎却坐之義陳其愚誠疏入帝震怒立下詔徵考訊  
尚書李戴御史周盤等連疏論救忤旨切責御史奪

俸有差大學士沈一貫亦力疾革奏為德完解帝意  
不釋旋廷杖百除其名復傳諭廷臣諸臣為皇長子  
耶柳為德完耶如為皇長子慎無責擾必欲為德完  
則再遷冊立一歲廷臣乃不復言然帝自是懼外廷  
論議春禮中宮始終無間矣光宗立召為太常少卿  
俄擢左僉都御史天啓元年京師獲間諜詞連司禮  
中官盧受德完言受既叢疑不可復置左右請出之  
南京時兩更大赦刑部重囚猶多至八百有奇德完  
請因熱審破格矜原楊鐸李如楨以喪師論死德完  
請酌公論或遣戍立功或即時正辟因薦順天府丞

邵輔忠通政叅議吳殿邦以兩人嘗力攻李三才也  
疏出廷臣頗駭此得旨果釋錫等于是朝論益譁給  
事中魏大中再疏論之德完亦力辨帝為詰責大中  
事乃已德完尋進戶部右侍郎給事中朱欽相倪思  
輝言事獲罪疏救之明年遷左陳裕國數事尋卒官  
初德完直聲震天下晚節稍不振議者惜之

楊天民字正甫山西太平人萬曆十七年進士除朝  
城知縣調繁諸城大水民饑亟發粟賑救復煮糜哺  
之病則與善藥以救諸城獨無道理是時承平久小  
谷民有終身不識城市者聞天民賢一日相率入縣

將古衣冠騰觀而去北內召喪民泣送數百里寒絕  
擢禮科給事中時方纂修國史與御史牛應元交章  
請復建文年號從之志府鎮國將軍常浚常濂素緣  
進封郡王天民抗疏論駁不聽二十七年秋道山崩  
下成為池山南湧大小山五天民言平地成山惟唐  
垂拱間有之而唐遜易為周今虎狼之使吞噬無窮  
拘羖之徒攘教難厭不市而征稅無礦而輸銀甚且  
毀廬發塚籍人貲產非法行刑自大吏至守令每被  
譴逐于是郡邑之不肖者反助虐交權藉潤私橐而  
嗷嗷之衆並無所歸命人人懷樂禍之心在在有土

崩之勢天心仁愛亟示謹告陛下尚不覺悟翻然與  
天下更始哉不報文選郎中梅守峻素貪黷時將權  
太常少卿天民劾罷之先是河套莊卜諸酋貢馬互  
市塞上絕警延綏總兵官趙夢麟偵其無備潛師襲之  
以大捷聞諸將及督撫李汝王見賓等咸進秩予廕  
賊怒大舉入寇縱掠葭州神木間軍民死者萬計汝  
等懼罪又妄以捷奏至是天民再疏論之于是奪見  
賓職夢麟戍邊汝亦被譴天民尋進右給事中明年  
二月以冊立久稽率同列懇請至七月復上書臣等  
三月中奉詔書長子冊立冠婚俟移居後以次舉行

今又通夏而秋矣兩宮告竣萬壽屆期願及時錄吉  
成大禮俱不報無何貴妃弟鄭國泰疏請皇長子先  
冠婚後冊立天民等抗疏斥其非國泰懼謂此實都  
指揮李承恩所為以害臣者乞與並訊帝乃奪承恩  
俸置國泰不問時順天及湖廣鄉試文多用二氏語  
天民請罪考官楊道賓顧天族等疏留中二十九年  
五月天民復偕六科諸臣上言太子者國之大本家  
之冢嗣樹本欲固自早正位號始衍嗣欲繁自早諧  
伉儷始合皇長子年已二十矣乃明旨雖頒未嘗一  
踐間有別諭又以珠寶未完為詞是上之意益不可

知而下之情益不敢信矣夫上不可知則窺伺之者  
啓下不敢信則逢迎之弊生有窺伺則有陵逼有逢  
迎則有黨附古來如此而致禍亂者不可悉數蓋嫌  
疑之際不必君父果有別圖始足貽患即當機少斷  
反汗靡常遂基國家無窮之禍陛下奈何不早計而  
預定哉疏奏帝大怒誚天民及王士昌雜職餘奪俸  
一年以士昌亦給事禮科也時御史周盤等亦公疏  
請奪俸如之天民得貴州永從典史至九月帝迫廷  
議始立東宮而天民等卒抑不召天民幽憤卒天啓  
中贈光祿少卿初天民去諸城民為立祠其後義東

不職父老率聚哭祠下其得民心如此

論曰國本一案神宗既牽于私溺反覆游移而柄國  
元臣又並觀望依違以成其過乃至中外叢疑盈廷  
抗論搆成一吁號詔書之局而莫之解幸而宗祏有  
望前星無恙亦未必非諸臣叫闕排闥之力有以挽  
繫于幾微也然自是宮庭叢隙門戶角爭國家莫大  
之憂無窮之患皆胎于此矣嗚乎儲副所關抑何如  
其重哉



明史卷三百三十八

列傳一百八十九

于孔兼

陳泰來從子王立

顧允成

張納陸諸壽賢

賈彭連

古

薛敷教

弟敷政

安希范

吳弘濟孫維有

諱一名

丁元薦

劉元珍

龐時雍

于孔兼字元時金壇人萬曆八年進士授九江推官

入為禮部主事孤立不與俗偶再遷儀制郎中二十

年疏言都御史吳時來晚節不終不當謚忠恪因請

謚先臣楊爵陳瓚孟秋時王家屏當國尚書李長春

咨之家屏曰部中議是乃奪時來謚而謚爵忠介未

幾家屏以爭冊立求去孔兼上言陛下徇內嬖之愆

而搖主鬯之器遜敢諫之臣天下萬世不識謂陛下  
如主中生廢而晉國亂楊廣立而隋祚亡古人覆轍  
後代永鑒且貴妃一時之狐媚雖能惑主而陛下他  
年色愛既弛必興怨艾奈何不納輔臣之言反重諫  
官之罰且移怒吏部削籍三人夫萬國欽獲罪于中  
時行饒仲獲罪于王錫爵非獲罪于陛下也輔臣于  
數千里外能遙制朝權若此毋乃陛下以此示恩欲  
其後來共成他圖耶自陛下有近日之舉而善類寒  
心邪臣鼓掌將來逢君必巧預教無期中生楊廣再  
見于今此宗廟之不利非直臣等之憂也帝得疏怒

甚已竟留中明年正月有詔封三王孔兼與員外郎  
陳泰來合疏爭曰立嫡之訓自古有之然歷考祖宗  
以來未有虛東宮之位以俟嫡子者也侍中宮庶子  
必宮闈之中有鐘鼓之樂若文王之于后妃而後姦  
斯之慶可望此陛下當自知之也昔陛下正位東宮  
年甫六歲比時仁聖皇太后方在盛年先皇帝曾不  
少待以誤宗社大計陛下豈不在省記中乎地別則  
嫌生禮殊則分定願收還新諭建儲封王一時並舉  
宗社幸甚未報孔兼又言陛下堅持待嫡之說既疑  
群臣謗訕又謂朝綱倒持遂欲坐諫者以無禮干為

之罪夫謂元子當立不容緩者君子也此有禮于君者王如堅諸人是也謂並封可行違上意者小人也此無禮于君者許夢熊一人是也今欲以無禮之罪而加之有禮于其君者何以服人心昭國法臣又惟平蠱之謗啓于堯母承乾之誅成于偏愛自古亂臣未有不窺人君之隙而進迎以遂其奸者蓋至後日而進尋禍始錫爵之兩諭並擬其負國悞君大矣既不能轉移君心決計于初遂乃以杜門求去為計夫前無失策一去可以成名失而後事爭而不得難去不足塞責矣人謂錫爵言無不盡特苦陛下聽斷之

不行臣則云陛下悔心已萌特憂錫爵感乎之未至  
若姑云徐徐坐視君父之過舉錫爵縱不為宗社計  
獨不為身名計乎會廷臣多諫者其事竟寢亡何考  
功郎趙南星坐京察削籍孔兼泰來各疏救帝積前  
怒謫孔兼安吉判官泰來饒平典史孔兼投牒歸家  
居二十年杜門讀書鉅觴整肅鄉人稱之無間言泰  
來字伯符平湖人年十九舉萬曆五年進士授順天  
教授進國子博士雅矜節概不隨俗浮沉見執政與  
言路相水火上書規之執政不懌坐是五年不調南  
京禮部郎中馬應圖泰來同邑又同年生也十三年

上疏譏切執政又力詆給事中齊世臣御史龔懋賢  
蔡系周孫愈賢吳定而盛稱吳中行趙用賢沈思孝  
李植諸人忤旨謫大同典史諸給事王致祥御史柴  
祥等希執政意復連章劾應圖且言泰來為黠定奏  
革帝以應圖既貶已之然泰來卒引疾歸久之起補  
禮部主事進員外郎疏請建儲不報既謫官過家踰  
年遂卒年三十六天啓中二人俱贈光祿少卿于氏  
為金壇望族孔兼祖湛戶部侍郎兄文熙今年進士  
大名兵備副使再從弟仕廉南京戶部侍郎有清操  
從子玉立

王立字仲甫萬曆十一年進士除刑部主事進員外  
郎二十年七月疏陳時政闕失言天下治亂本于君  
身今陛下志在閨闈不恤國事寵幸貴妃宴逸無度  
恣行威怒鞭笞群下不數年間宮人奄豎無辜死者  
殆及千人四方聞之莫不憤歎夫人懷必死之心無  
更生之望而使處肘腋閭閻之間倘因利乘便以甘  
心于一逞可不寒心田義本一奸豎陛下喜其便辟  
寵信不疑使得乘威負勢恣貪暴以壞亂國家邇者  
奏牘或下或留推舉或用或否道路籍籍咸謂義簾  
弄其間蓋義以陛下為城社而外庭之愴邪又以義

為城社黨合謀連其禍難量且陛下一惑于嬖倖而  
數年以來問安視膳郊廟朝講一切不行至邊烽四  
起禍亂成形猶不足以動憂危之情奪晏安之習是  
君身之不修未有甚于今日者也夫高皇帝以櫛風  
沐雨之天下傳之列聖以迄今日而陛下視若敝屣  
曾不顧惜何以慰宗廟之靈小民家有老母猶且藉  
子為安今宮庭震驚而陛下若罔聞何以解兩宮之  
憂深拱禁中開黃綬之陳致邪孽侵權而陛下未察  
其奸何以杜旁落之漸萬國欽華未寄忤主而終于  
禁錮何以勵骨鯁之臣上下隔越國議軍機無由奏



斷而陛下稱制。今終不出閭閻之間。何以盡大臣之謀忠良國之寶也。今忠良多擯。邪佞得容。何以作群臣之氣。遠近之民皆疑至尊。日求殷樂。不顧百姓之塗炭。無若保赤子之義。何以繫天下之心。陛下誠反覆思之。則禍之所萌。亂之所召。較然可知。必不能外陛下。一身而別求救亂之術矣。因力言李如松麻責不可為大將。鄭洛不當再起。石星不堪為本兵。疏入不報。尋進郎中。謝病歸。久之起。故官三十一。年妖書事起。小人藉以傾邪正。城玉立獨左右之。會有言醫人沈全譽實為妖書者。搜其篋得玉立與吏部郎

中王士騏書中及其起官事帝方下吏部按問而王  
立遽疏辨帝怒褫其官己部臣為王立解請調之南  
京不許遂廢于家時顧憲成輩講學東林書院王立  
與之游頗訾及時政而王立性故倜儻好事一時海  
內建言廢銅諸臣咸以東林為歸王立並相與通其  
聲氣即朝中貴要亦有聞而嚮附之者由是東林之  
名甚盛其後攻東林者必首王立率謂其遙制朝權  
而王立黨亦數有推荐三十七年稍起光祿丞辭不  
赴言者猶訾訖不已御史馬孟禎抗章直之帝時倦  
勤皆不省也又明年以光祿少卿召終不出天啓初

錄先朝罪譴諸案而王立已前卒詔贈尚寶卿  
顧允成字季時無錫人性耿介自厲名節舉萬曆十  
一年會試十四年始赴廷對灑灑數千言語極切直  
有曰陛下以鄭妃勤于奉侍冊為皇貴妃廷臣不勝  
私憂過計請立東宮進封王恭妃非報罷則峻逐之  
夫貴妃之勤于奉侍私也太乎天下本忠言國之福  
奈何以私廢公或不幸貴妃以愛憎弄威福于其內  
其戚屬竊而張之于外左右小人又竊而張之内外  
之間害何可勝言哉又言頃張居正固上行私陛下  
以為不足信而付之二三匪人不知懲居正之專而

公布之則可若轉而付之群小臣恐居正之專尚與  
陛下二此屬之專遂與陛下二則易間一難圖也  
執政見之駭且憲置之末第會南畿督學御史德清  
房襄連疏詆都御史海瑞允成不勝憤偕同年生彭  
遵古諸壽賢抗疏劾之略言曩見襄疏詆瑞大奸極  
詐欺世盜名姍笑罵詈無所不至陛下既留瑞供職  
襄乃再疏必欲去之不意世乃有妬賢醜正不復知  
人間羞耻事如襄者臣等自幼讀書即知慕瑞以為  
當代偉人襄肆貪汙聞瑞之風宜愧且死反敢造言  
誣戮且天下亦為襄甚易為瑞甚難襄身享厚實

反笑瑞之迂拙。臣等之所以痛心也。因疏其欺罔  
七罪。且曰。竊謂生徒有如瑞者。必將加之橫扶。視其  
衣冠。是陛下方顯瑞以風勵天下。而竊乃故毀之以  
逆折天下正直之氣。將驅南國諸生。使盡學竊而入  
于邪佞貪險之域。臣等有裂冠毀裳而去耳。必不與  
之並立于朝也。始竊疏出朝野多切齒。而政府有庇  
之者。但謂肯譙讓。至是得允成疏。謂竊已切讓朝廷。  
是非自明。不當出位妄奏。為奪三人冠帶還家。省愆  
且令九卿約束辦事。進士毋妄言時政。南京太僕卿  
沈思孝上言。二三年來。今日以建言防人之口。明日

以越職加人之罪且移牒諸司約禁而進士觀政者復令堂官制束之夫禁其作奸犯科可也而反禁其讜言直諫教其砥行立節可也而反教以緘默取容此風一開流弊何極諫官避禍希寵不言矣而庶官又不當言大臣持祿養交不言矣而小臣又不許言萬一權奸擅朝傾危宗社陛下安從聞之臣歷稽故事先朝練綱鄒智孫磐張璉並以書生建言當時未聞以為罪也獨奈何于允成等錮之耶疏入忤旨被責三人遂廢寢食復疏諫罪及思孝言臣為善二十年曲謹木彊無不竭誠獨崇詭飾虛則不屑為其言絕

狂誕竟得優容。竊窺自是獲罪清議。出為江西副使。吏科都給事中張鼎思劾其奸貪。竊亦許鼎思請寄事諸給事中不平。連章攻竊。竊與鼎思並謫。竊遂不復振。十六年南京御史陳邦科請錄用允成等不許。巡按御史荊州土再言之。詔許以教授。用允成歷任南康保定。入為國子博士。遷禮部主事。三王並封制下。偕同官張納陞工部主事。岳元聲合疏諫曰。冊立大典。年來無敢再讀者。以奉二十一年舉行之明詔。茲既屆期。群臣無不引領。而元輔王錫爵星駕趨朝。一見禮部尚書羅萬化儀制。卻于孔兼叩戒之弗言。

慨然獨任臣等竇喜且慰不意陛下出禁中密札寬  
付錫爵私邸而三王並封之議遂成即次輔趙志舉  
張位亦不預聞夫天下事非一家私議元子封王祖  
宗以來未有此理錫爵安得專之而陛下安得創之  
當是時光祿丞朱維宗給事中王如堅疏先入帝震  
怒成極遣維宗同官涂杰王學曾繼之斥為民及是  
諫者益衆帝知不可盡斥但報以遵旨行已而竟復  
未幾吏部尚書孫鑣等以格遺事被責允成謂內閣  
張位實為之上疏力詆位因及錫爵納陛亦抗章極  
論并侵肘執政者帝怒譴允成充州判官納陛鄧州



判官各予假歸不復出納陞字以聲宜與人年十六  
從王畿講學舉萬曆十七年進士由刑部主事改禮  
部生平敦風節務為慈和邑有利害輒請于有司而  
罷行馬允成與兄憲成修復楊時東林書院偕同志  
講學其中納陞與馬納陞又與同邑史孟麟吳正志  
為麗澤大會東南人士爭赴之與允成等同以部曹  
爭三王並封又爭拾遺事者有戶部主事滁人賈巖  
由萬曆二十年進士亦貶曹州判官授勅歸卒天啓  
中贈允成納陞光祿少卿巖尚寶丞壽賢字延之崑  
山人既釋褐即上疏曰古人十五入學四十始仕其

間教行誼案實學加二十五年之功是以道明德立  
而事業光顯者也自科舉制興士以佔嗶為務志行  
不立汨于利祿不知身心違問道德即或監尺寸于  
天下安足貴哉臣生十年習舉業今三十有七矣父  
兄師友之所教不過記誦詞章故自得第後日夕皇  
皇惟不能報稱是懼竊自念無負明時惟在于學欲  
志乎學惟在于退乞放臣歸田畢十年之功然後從  
政庶足展教于將來章下所司寢不奏既斥歸久之  
起南陽教授入為國子助教擢禮部主事戚里中貴  
有所干請輒拒遂曰此輩豈可與作緣邊疾請告歸

授徒自給從游者日衆後築室吳之華山（龍）述周易  
未畢而卒通古麻城進士終光祿少卿

薛敷教字以身武進人副使應旂孫也為諸生友同  
郡顧憲成允成用風節相期許及舉萬曆十七年進  
士與高攀龍同出趙南星之門並以名教自任會南  
京御史王藩臣疏劾巡撫周繼不具揭都察院為其  
長耿定向所劾左都御史吳時來因請申飭憲規藩  
臣坐停俸敷教上言時來墜過言路代人狼噬而二  
三輔臣曲學險詖又故繩庶衆以崇九列體貌而塞  
主上之聰明宜嚴黨邪之禁更易兩都臺長以清風

憲疏上大學士申時行等疏言故事御史建白北京  
即日投揭臺長南京則以三日藩臣廢故事而定向  
劾之時未請飭憲規臣等量擬薄罰俱未為過必如  
敷教言將令臣等盡抑大臣而後可耶副都御史詹  
仰庇劾敷教煽惑人心淆亂國是詔敷教歸省過三  
年以敷職用大學士許國以敷教其門生而疏語侵  
已尤憤疏請罷斥因言邇來建言成風可以要名可  
以躐秩又可以掩過故人競趨之以為捷徑此風既  
成莫可收止方今京師訛言東南赤旱臣未為憂而  
獨此亟亟者彼其一時之災此則世道之害也時來

亦乞休力詆敷教及饒伸帝骨慰留敷教即獲建都  
給事中陳與郊復阿執政指上疏極詆建言諸臣士  
論非之二十年裏起敷教鳳翔教授旋遷國子助教  
明年力爭三王並封以上書王錫爵言中宮有出而  
始重則仁聖之心不安後宮有出而終輕則慈聖之  
體亦屈錫爵無以難尋以救南星誦先州學正省母  
歸遂不復出敷教提身嚴苦垢衣糲食終身未嘗受  
人饋家居二十年力持清議鄉人欲為非義憚不敢  
發即大吏有舉動多用敷教言而止後與憲成兄弟  
及攀龍講學東林書院嘗作真正銘曰學尚乎真真

則可久學尚乎正正則可守真而不正所見皆苟正而不真終非已有卒贈尚寶司丞弟教政舉進士為御史天啓初巡按四川值奢崇明反圍成都教政樊率將吏晝夜登陴守禦城賴以全教教孫家崇禎四年進士歷開封知府以志節稱

安希范字小范無錫人萬曆十四年進士授行人遷禮部主事以便養母改南京吏部二十一年行人高攀龍爭趙用賢不當去國與鄭材楊應宿相訐攀龍謫揭陽典史御史吳弘濟爭之亦被黜希范上疏曰伏睹近年以來正真之臣不安于位敢言之希范削跡于

朝趙南星孟化鯉為選郎東公持正乃次。屏黜趙  
用賢天下皆知其節概止以吳鎮璽子一疏而歸使  
楊應宿鄭材得窺意指交章攻擊至如孫鑑之清修  
公正李世達之練達剛明李禎之孤介廉方並朝廷  
之儀表鑑世達先後去國禎亦堅懷去志天下共惜  
諸臣之不用而疑閣臣之媚嫉不使竟其用也近見  
高攀龍一疏正直和平此陛下之忠臣亦輔臣之諄  
友陛下必當霽威以從輔臣必當同心以聽聖如應  
宿辨疏黨邪害正塗而喪心瘳狗孽狐無後人理明  
肯下部科勘議未嘗不是攀龍非應宿及奉處分之

詔則應宿僅從薄責攀龍反竄災荒由是公論愈忿  
不能無責于輔臣矣夫輔臣之職在進賢退不肖今  
賢者以異己而斥之不肖者以媚己而庇之塞衆正  
之路開群枉之門誤國不忠無甚于此乃輔臣自文  
動云宸斷不知既受心腹之託安辭苦舌之爭顏坐  
視君父之過舉獨違補袞其謂之何苟俟降斥之後  
陽為申救以愚天下之耳目而天下早已知其肺肝  
矣吳弘濟辨別君子小人較若蒼素乃與攀龍相繼  
得罪臣之所惜者實乃不為二臣正恐君子皆退小人  
皆進誰為受其禍者乞陛下立斥應宿及潘為小人



媚灶之戒優舉龍弘濟官以獎忠良并覆。閩臣王  
錫爵無挾私植黨讐視正人則相業光而聖德亦光  
矣時南京刑部郎中譚一召主事孫繼有方以劾錫  
爵被譴希范疏入帝怒責其朋奸亂政將逮治既而  
怒稍解斥為民希范為人恬靜簡易與攀龍及顧憲  
成允成劉元珍同邑友善後憲成輩為東林講學之  
會希范預焉熹宗嗣位將起官而希范卒贈光祿少  
卿弘濟字春陽秀水人希范同年進士由蒲圻知縣  
擢御史劾福建巡撫司汝濟寄誦事故相張居正大  
理卿吳定害正黨邪前撫雲南排陷李材濫殺屬夷

均宜罷斥吏部為二人解詔解汝濟官候調又論戎  
政侍部郝杰劉遠總督顧養謙遷擢過驟不納三王  
並封詔下偕同官抗疏爭以論楊應宿高攀龍事命  
貶二秩調外王錫爵等疏救不聽科道執爭皆奪俸  
疏每上輒重其罰竟斥為民不及起用而卒熹宗時  
贈官如希范一召大庾人繼有餘姚人皆進士一召  
疏曰人心有偏蔽則不平有怨怒則不平不能平心  
而能平天下古未有也輔臣錫爵不能平心久矣自  
再輔政以來斥逐言者無虛月近高攀龍楊應宿郝  
正是非行道皆能辨之乃竟重譴攀龍璫宿及吳

弘濟論救又遭貶黜一何甚也。自趙南星〇公考察  
錫爵含怒積怨故南星一掛彈章而斥于孔萊薛敷  
教張納陞等一伸救而斥孟化鯉等一推張棟而斥  
李世達孫鏞又相繼罷去矣。今日固其餘怒并怒心  
橫生觸事輒發又安知是非公論耶。總有疏曰高攀  
龍楊應宿邪正判然矣乃倒置是非同譴異謫吳弘  
濟救攀龍則黜黃紀賢吳文梓救弘濟則罰鄭材傾  
善類而黜罰不加不謂之外不可得也。今所指為攀  
龍罪者以攀龍謂陛下不親一事批答盡出輔臣然  
既內初無此語何以服攀龍之心哉。臣本輔臣所舉

士安敢糾彈獨見其柄國以來伐異黨同奸諛惡直臣  
是以不能為之諱然此猶小者耳本兵經畧安危所  
係乃以匪人石星宋應昌任之輔臣常東臣亦言二  
人短而不為陛下下一更置何其果于容奸也與一名  
疏並上帝怒曰近罪高攀龍出朕獨斷小臣無狀乃  
詆誣閹臣朋奸黨惡不可不罪其除一名名謫總有  
極違雜職給事中葉繼美疏救二臣及希范帝益怒  
并除總有名遣官逮希范一名奪繼美俸一年錫爵  
力救詔免諸人遂廢于家後總有官終知府  
丁元薦字長儒長興人父應詔進士弘治中事元薦

舉萬曆十四年進士請告歸家居八年於。選為中書舍人甫期月上封事萬言極陳時弊謂今日事勢可寒心者三饑民思亂也武備積弛也日本封貢也可浩歎者七征欵苛急也賞罰不明也忠賢廢黜也輔臣嫖妬也議論滋多也士習敗壞也褒功恤忠未併也坐視而不可救藥者二則紀綱人心也其所言輔臣劣斥首輔王錫爵元薦座主也二十七年京察元薦時家居坐浮濫論調閔十有二年起廣東按察司經歷後禮部主事甫抵官值京察事峻尚書孫丕揚力清邪黨反為其黨所攻副都御史許弘綱故與

丕揚共掌察見群小日橫累疏請緩察典亦若以丕  
揚為過者群小藉其言攻丕揚益力是時察疏猶未  
下人情捏杌慮事中變然無敢言者元薦乃上言弘  
綱持議不宜前却并盡發諸奸隱狀黨人惡之交章  
論劾無虛日元薦復再疏辨晰竟不安其身而去其  
後邪黨愈熾正人屏斥殆盡至有以六經亂天下語  
入鄉試策問者元薦家居不勝憤復馳疏闕下爭國  
是極詆亂政之叛高皇帝邪說之叛孔子者疏雖不  
報而群小益惡之四十五年宗察遂復以不謹削籍  
天啓初大起遺佚元薦格于例獨不得錄年廷臣

交訟其寃起刑部簡較歷尚寶少卿朋黨執事大變  
復削其籍元薦初學于許孚遠已從顧憲成港為人  
慷慨負氣毅然以名教為己任遇事奮前不計利害  
屢起屢墮無少挫難以身為天下質的不顧也通籍  
四十年前後服官不滿一載居鄉自守介特全郡沈  
灌召入閤慕其名邀之一見謝不往嘗遇高攀龍所  
適給事中魏大中至攀龍請與交歡辭曰吾老矣不  
能涉嫌要津遽鼓楫而返其素操如此身無言責素  
好言天下事故為世所指目然其生平大節亦足表  
見于天下云

劉元珍字伯先無錫人萬曆二十三年進士初授南京禮部主事進部中親老歸養起南京職方時營軍盡羸弱且脫伍而歲餉破冒滋甚元珍悉釐汰歲省二萬有奇三十三年京察吏部左侍郎楊時喬左都御史溫純力持公議凡言路附麗政府者盡黜之先是給事中錢夢皋以論妖書楚王事稱帝指帝欲留之因有詔盡留給事御史之被斥者且格察疏不下人心憤駭莫敢爭元珍方以服闋需次乃抗疏言夢皋初推年例妄奏求容已掛察典乘機建議壅斷如市士林不齒迨兩蒙留用滋被殊恩因不使感聖恩



猜疑部院并考察全疏亦中格矣。臺省藏察諸庫聚  
留用矣。朝野駭歎。僉謂夢舉之黨陰謀巨測。異時諸  
僥倖之門必自此啓。大可慮也。然使政本有人。邪謀  
亦安得逞。乃沈一貫自秉政以來。此輩僉人叢聚。奸  
慝假至尊之權。以售私竊朝廷之恩。以市德。使夫守  
法者不聊席。具者無忌。二百年鉅典。一旦決裂。而陸  
下顧獨任其咎。罔上不忠。孰大于是。近見夢舉疏。每  
以黨人名從古。小人未有不以朋黨之說。先空善類  
者。所關治亂安危之機。非細故也。疏奏留中。一貫亟  
自辨。乞明示獨斷之意。以釋群疑。而夢舉亦指元珍

為溫純鷹犬疏皆不報未幾勅諭廷臣以留用言官  
之故貶元珍一秩調邊方一貫及科道侯慶遠葉永  
盛等論救不從時員外賀燦然南京御史朱吾弼相  
繼論察典而主事龐時雍則直攻一貫數一貫欺罔  
者十誤國者十且曰一貫之富貴日崇陛下之社稷  
日壞問國之亂萌朝之疵政則曰上為政我不知也  
不則曰吾謀不用也曰吾逆知其無補不若從容以  
圖之也同妾婦之順從效閹寺之曲謹真孔子所謂  
鄙夫孟子所謂民賊不可一日在位者乃猶欲觀望  
以保身名使議其後者但欲多于陛下非不忠以大

者哉頃南郊雷震正當一貫奏請頒行禮諭之時意者天厭其奸以警悟陛下俾早除讒慝乎帝得疏起命并元珍燦然取三秩調極邊頃之慶遠及御史李楠等復申救帝益怒奪其俸而謫元珍等極邊雜職俄御史周家棟指陳時政語過激帝遷怒元珍等皆除其名而察疏亦下諸被留者亦自免去察典始得竣終元珍之力也光宗即位起光祿少卿時遼瀋既沒故贊畫主事劉國綬擁衆數萬入南四衛以招撫軍民為名且挾牒督餉侍郎令發舟南濟兵科有左右之者議推為東路巡撫元珍上疏言國綬故違人

為李成梁義兒狼狽相倚成梁棄封疆國縉為之營  
免遂基禍本楊鶴李如柏喪師國縉甫為贊畫即奏  
保二人而欲坐杜松以違制此何意哉創議用遼人  
胥官帑二十萬金募土兵三萬曹不得一卒之用既  
被劾解官蹤跡謫秘乃忍擁數萬之衆欲問道登萊  
竄處內地萬一敵中間謀闖入其間何以保之疏下  
兵部兵部畏國縉黨盛弗覆也而巡撫之議亦遂中  
獲未幾元珍卒官初元珍罷歸講學東林書院又與  
錢一本為同善焉以表節義恤鰥寡為務嘗有知交  
富路富民被誣陷大辟者暮投重賕救之元珍繫此

去之徐憐其冤密為請雪不令之知其義多類此  
父陞有學行高攀龍嘗受業焉後與同舉于鄉為績  
溪教諭元珍子明翰受業攀龍舉鄉試官內閣中書  
舍人時雍汶上人先元珍三年舉進士知丹徒縣歷  
戶兵二部主事既除名未及起用而卒

論曰東林首爭國本並訾及輔臣言雖少亢不謂之  
正馬可乎正矣非採納則優容已耳時宰則惡而毀  
之東林於是成淵藪焉賢者固不惜其身之危以固  
而道愈重即名愈高故凡惡東林者皆其成東林者  
也東林之名成而天下事且去矣嗟乎時宰亦大謬  
矣哉